

唐

音

統

籤

乙籤四十一

唐音統籤卷二十四

楊炯華陰人幼聰敏博學善屬文年十一舉神童授校書郎充東宮崇文館學士俄遷詹事司直恃才簡倨人不容之則天初左轉梓州司法參軍秩滿遷婺州盈川令卒官中宗卽位以舊僚贈著作郎炯與王勃盧照隣駱賓王齊名號四傑集三十

卷

宋志二十卷見公武云校舊本多亡佚

今存集十卷詩二卷

唐書

儉在吏部李敬玄感獨勃等四子皆儉曰士之致遠先器識而後文藝勃等雖有文才然皆躁氣露意享爵祿之器揚子即宜然可至令長降得令終足矣後勃等皆不得其死而勃終盈川令又云四子齊名海內當其稱爲王楊盧駱炯聞之謂人曰吾愧在盧前耻居王後議者亦以爲然其後崔

融李嶠張說俱重四傑之文崔融曰王勃文章宏逸有絕塵之跡固非常流所及炯與照隣可以企及盈川之言信矣說曰揚盈川文思如懸河注水酌之不竭既優於盧亦不減王耻居王後信然愧在盧前謙也張遵業云炯五言律工緻而得明澹之旨開元詩人去其纖麗漸崇清婉此蓋啓之

五言古詩

奉和上元醮宴應詔

甲子遇災年周隋送上弦  
祆星六丈出沴氣七重懸  
赤縣空無主蒼生欲問天  
龜龍開寶命雲火昭靈慶  
萬物覩真人千秋逢聖政  
祖宗玄澤遠文武休光盛  
大號域中平皇威天下驚  
參辰昭文物宇宙浹聲明  
漢后三章令周王五伐兵  
匈奴窮地角

本自遠正朔驕子起天街由來虧禮樂一衣掃風  
雨再戰夷屯剝清明日月且蕭索煙雲渙寒暑旣  
平分陰陽復貞觀惟神諧妙物乃聖符幽贊下武  
發禎祥平階屬會昌金泥封日觀璧水匝明堂業  
盛勛華德輿包天地皇孝思義罔極易禮光前式  
天煥三辰輝靈書五雲色敬時窮發斂卜代盈千  
億五緯聚華軒重光入望園公卿論至道天子拜  
昌言雷解初開出星空卽便元瑤臺涼景薦銀闕  
秋陰遍百戲騁魚龍千門壯宮殿深仁洽蠻徼愷  
樂周寰縣宣室召羣臣明庭禮百神仰德還符日

霑恩更似春襄城非牧豎楚國有巴人

廣谿峽

品彙云三峽詩  
有序今失傳

廣谿三峽首曠望兼川陸山路遶羊腸江賦噴魚  
腹喬林百丈偃飛水千尋瀑驚浪迴高天盤滯轉  
深谷漢氏昔云季山原爭逐鹿天下有英雄襄陽  
有龍伏常山集軍旅永安興叛築池臺忽已傾邦  
家遽淪覆靡才若劉禪忠節爲心腹設險猶可存  
當無賈生哭

巫峽

三峽七百里唯言巫峽長重巖竇不極疊嶂凌蒼

蒼絕壁橫天險霉苔爛錦章入夜分明見無風波  
浪狂忠信吾所蹈泛舟亦何傷可以涉砥柱可以  
浮吕梁美人今何在靈芝徒有芳山空夜猿嘯征  
客淚沾裳

西陵峽

絕壁聳萬仞長波射千里盤薄荆之門滔滔南國  
紀楚都昔全盛高丘烜望祀秦兵一旦侵夷陵火  
潛起四維不復設關塞良難恃洞庭且忽焉孟門  
終已矣自古天地闢流爲峽中水行旅相贈言風  
濤無極已及余踐斯地瓌奇信爲美江山若有靈

唐詩集  
千載伸知己

五言律詩

從軍行

烽火照西京，心中自不平。  
牙璋辭鳳閣，鐵騎繞龍城。  
雪暗凋旗畫，風多雜鼓聲。  
寧爲百夫長，勝作一書生。

劉生

卿家本六郡，年長入三秦。  
白壁酬知己，黃金謝主人。  
劍鋒生赤電，馬足起紅塵。  
日暮歌鍾發，喧喧動四隣。

驄馬

驄馬鐵連錢長安俠少年帝畿平若水官路直如  
弦夜玉粧車軸秋金鑄馬鞭風霜但自保窮達任  
皇天

出塞

塞外欲紛紜雄雞未分明堂占氣色華蓋辨星  
文二月河魁將三千太乙軍丈夫皆有志會見  
一作是立功勲

有所思

賤妾留南楚征夫向北燕三秋方一日少別比千



年不掩頰紅縷無論

一作能

一作

數綠錢相思明月夜

遍白雲天

梅花落

牕外一株梅寒花五出開影隨朝日遠香逐便風  
來泣對銅鈎障愁看玉鏡臺行人斷消息春恨幾  
徘徊

折楊柳

邊地遙無極征人去不還秋容凋翠羽別淚捐紅  
顏望斷流星驛心馳明月關蘂沾何處在楊柳自  
堪攀

紫驪馬

俠客重周遊，金鞭控紫驪。  
蛇弓白羽箭，鶴轡赤茸  
鞞。發跡來南海，長鳴向北州。  
匈奴今未滅，畫地取封侯。

戰城南

塞北途遼遠，城南戰苦辛。  
旛一作旗如鳥翼，甲冑似魚鱗。  
凍水寒傷馬，悲風愁殺人。  
寸心明白日，千里暗黃塵。

送臨津房少府

岐路三秋別，江津萬里長。  
煙霞駐征蓋，弦奏促飛

月  
系  
皇  
觴階樹含斜日池風泛早涼贈言未終竟流涕忽  
霑裳

送豐城王少府

愁結亂如麻長天照落霞離亭隱喬樹溝水浸平  
沙左尉才何屈東關望漸賒行看轉牛斗持此報  
張華

送鄭州周司功

漢國臨清渭京城枕濁河居人下珠淚賓御促驪  
歌望極關山遠秋深煙霧多唯餘三五夕明月暫  
經過

送梓州周司功

御溝一相送，征馬屢盤桓。  
言笑方無日，離憂獨未寬。  
舉杯聊勸酒，破涕暫爲歡。  
別後風清夜，思君蜀路難。

送楊處士反初卜居曲江

鴈門歸去遠，垂老脫袈裟。  
蕭寺休爲客，曹谿便寄家。  
綠琪千歲樹，黃蘗四時花。  
別怨應無限，門前桂水斜。

乙籤四十一楊炯之二

唐音統籤卷二十五

五言排律

早行

敞朗東方徹闌干北斗斜地氣俄成霧天雲漸作霞  
霞河流纒辨馬巖路不容車阡陌經三歲閭閻對  
五家露文沾細草風影轉高花日月從來惜關山  
猶自賒

途中

悠悠辭鼎邑去去指金墉途路盈千里山川亘百  
重風行常有地雲出本多峯鬱鬱園中柳亭亭山

唐音統籤

卷二十五

百五

乙

上松客心殊不樂鄉淚獨無從

遊廢觀

青嶂倚丹田荒涼數百年猶知小山桂尚識大羅  
天藥敗金爐火苔昏玉女泉歲時無壁畫朝夕有  
階煙花柳三春節江山四望懸悠然出塵網從此  
狎神仙

和騫右丞省中暮望

故事閒臺閣仙門藹已深舊章窺復道雲幌肅重  
陰玄律葭灰變青陽斗柄臨年光搖樹色春氣繞  
蘭心風響高牕度流痕曲岸侵天明

一作總樞轄

人鏡辨衣簪日暮南宮靜瑤華振雅音

和鄭儼校內省眺矚思鄉懷友

銅門初下辟石館始沈研遊霧千金字飛雲五色  
巖樓臺橫紫極城闕俯青田暄入瑤房裏春廻玉  
宇前霞文埋落照風物澹歸烟翰墨三餘隙關山  
四望懸頽峯睽酌羽流水曠鳴弦雖欣承白雪終  
恨隔青天

和劉長史答十九兄

帝堯平百姓高祖宅三秦子弟分泗岳衣冠動縉  
紳盛名恒不隕歷代幾相因街巷塗山曲門閭洛

水濱五龍金作友一子玉爲人寶劍豐城氣明珠  
魏國珍風標自落落文質且彬彬共許刁元亮同  
推周伯仁石城俯天闕鍾阜對江津驥足方超騁  
狼心獨未馴鼓鞀鳴九域風火集重闔城勢餘三  
板兵威乏四隣居然混玉石直置保松筠耿介酬  
天子危言數賊臣鍾儀琴未奏蘇武節猶新受祿  
寧辭死揚名不顧身精誠動天地忠義感明神怪  
鳥俄垂翼脩蛇竟暴鱗來朝拜休命速羶下梁岷  
善政馳金馬嘉聲繞玉輪三那忽有贈四海更相  
親宮徵諧鳴石光輝掩燭銀山崖遙清日零露坐



沾巾友愛光天下恩波浹後塵懦夫仰高節下里  
繼陽春

和酬號州李司法

層齒標形勝關河壯邑居寒山抵方伯秋水面鴻  
臚君子從遊宦忘情任卷舒風霜下刀筆軒蓋擁  
門間平野共黃遍長洲鴻鴈初菊花宜泛酒蒲葉  
好裁書昔我芝蘭契悠然雲雨疎非君重千里誰  
肯惠雙魚

和石侍御山莊

煙霞非俗宇

一作巖壑

只幽居水澗何曾畝荒郊

不復鋤影濃山樹密香淺澤花疎澗塹防斜徑平  
堤夾小渠蓮房若箇實竹節幾重虛蕭然隔城市  
酌醴焚枯魚

和劉侍郎入隆唐觀

觀在嵩山道遙谷高宗與武后幸嵩山迎見潘

師正造

此觀

福地陰陽合仙都日月開山川臨四險城樹隱三  
臺伏檻排雲出飛軒遶澗迴參差凌倒影瀟灑軼  
浮埃百果珠爲寶羣峰錦作苔懸蘿暗凝霧瀑布  
響成雷方士燒丹液真人泛玉杯還如問桃水更  
似得蓬萊漢帝求仙日捐如作賦才自歎金石奏

何必上天台

和輔先入昊天觀

遁甲爰皇里星占太乙宮  
天門開奕奕佳氣鬱蔥蔥  
蔥碧落三乾外黃圖四海中  
邑居環若水城闕抵新豐  
玉檻崑崙側金樞地軸東  
上真朝北斗元始

詠南風漢君祠五帝  
淮王禮八公道書編

一作竹藏

簡靈液

一作藥

灌梧桐草茂瓊階綠花繁寶樹紅  
石

樓紛似畫地鏡森如空  
桑海年應積桃源路不窮  
黃軒若有問三月住崆峒

和曼上人傷果禪師

淨業初中日浮生大小年無人本無我非後亦非  
前簫鼓旁喧地龍蛇直映一作應天法門摧棟宇覺  
海破舟船書鎮秦王餉經文宋國傳聲華周百億  
風烈被三千蕪沒青園寺荒涼紫陌田德音殊未  
遠拱木已生煙

和崔司空傷姬人

昔時南浦別鶴怨寶琴弦今日東方至鸞銷珠鏡  
前水流銜砌咽月影向牕懸粧匣悽餘粉薰爐滅  
舊煙晚庭摧玉樹寒帳委金蓮佳人不再得白日  
幾千年

送劉校書從軍

天將下三宮星門召五戎坐謀資廟略飛檄佇文  
雄赤土流星劍烏號明月弓秋陰生蜀道殺氣繞  
湟中風雨何年別琴尊此日同離亭不可望溝水  
自西東

送李庶子致仕還洛

此地傾城日由來供帳華亭逢李廣騎門接邵平  
瓜原野煙氛匝關河遊望賒白雲斷巖岫綠草覆  
江沙詔賜扶陽宅人榮御史車灞池一相送流涕  
向煙霞

五言絕句

夜送趙縱

趙氏連城壁由來天下傳送君還舊府明月滿前  
川

乙籤四十二

唐音統籤卷二十六

盧照隣字昇之范陽人十歲從曹憲王義方授蒼雅調鄧王府典籤王有書十二車照隣總披覽畧能記憶王愛重比之相如調新都尉染風疾去官居太白山以服餌爲事又客東龍門山疾甚足孿一手又廢乃去陽翟具茨山下斲園數十畝疏頰水周舍復豫爲墓偃臥其中後不堪其苦與親屬

訣自投頰水死年四十集二十卷幽憂子三卷

宋志

集詩文存十卷

今編詩三卷

本傳云照隣自以當高宗時尚吏已獨儒武后尚法已獨

黃老后封嵩山屢聘賢士已獨廢著五悲文以自明

樂府

中和樂九章

歌登封第一

炎圖喪寶黃歷開  
瘠祖武類帝宗文  
配天玉鑿垂日翠  
華陵煙東雲干呂  
南風入絃山稱萬  
歲河慶千年金繩  
永結壁麗長懸

歌明堂第二

穆穆聖皇雍雍明  
堂左平右賊上開  
下方調均風雨制  
度陰陽四牕八達  
五室共房南通夏  
火西瞰秋霜天子  
臨御萬玉鏘鏘



歌東軍第三

遐哉廟畧赫矣台臣橫戈碣石倚劔浮津風丘拂  
籥自域清塵島夷復祀龍伯來賓休兵寓縣獻馘  
天闔旆海虬入耀輝震震

歌南郊第四

虔郊上帝肅事圓丘龍駕四牡鸞旗九旂鍾歌晚  
引紫煬高浮日麗蒼壁雲飛鳴球皇之慶矣萬壽  
千秋

歌中宮第五

祥遊沙麓慶洽瑤衣黃雲晝聚白氣宵飛居中履

正稟和體徵儀刑赤縣演教椒闥陶鈞萬國丹青  
四妃河洲在詠風化倣歸

歌儲宮第六

波澄少海景麗前星高謀誕聖甲觀昇靈承規翠  
所問寢瑤庭宗儒側席問道橫經山賓皎皎國胄  
青青黃裳元吉邦家以寧

歌諸王第七

星陳帝子嶽列天孫義光帶礪象著乾坤我至明  
德利建攸存直以茅社錫以嘉禴蕃屏王室翼亮  
堯門八才兩獻夫何足論

歌公卿第八

蹇蹇三事師師百寮羣龍在職振鷺盈朝豐金輝  
首珮玉鳴腰青蒲翼翼丹地翹翹歌雲佐漢捧日  
匡堯天工人代邈邈昭昭

總歌第九

明明天子兮聖德揚穆穆皇后兮陰化康登若木  
兮座明堂池濼汜兮家扶桑武化偃兮文化昌禮  
樂昭兮股肱良君臣已定兮君永無疆顏子更生  
兮徒皇皇若有人兮天一方忠爲衣兮信爲裳  
白玉兮飲瓊芳心思荃兮路阻長

五言古詩

詠史四首

季生昔未達身辱功不成  
髡鉗爲臺隸灌園變姓名  
幸逢滕將軍兼遇曹丘生  
漢祖廣招納一朝拜公卿  
百金孰云重一諾良匪輕  
廷議斬樊噲羣公寂無聲  
處身孤且直遭時坦而平  
丈夫當如此唯唯何足榮

昔有平陵男姓朱名阿游  
直髮上衝冠壯氣橫三秋  
願得斬馬劍先斷佞臣頭  
天子玉檻折將軍丹血流  
捐生不肯拜視死其若休  
歸來教鄉里童蒙

遠相求弟子數百人散在十二州三公不敢吏五  
鹿何能酬名與日月懸義與天壤儔何必疲執戟  
區區在封侯偉哉曠達士知命固不憂

大漢昔云季小人道遂振玉帛委奄尹斧鑕嬰緡  
紳邈哉郭先生卷舒得其真雍容謝朝廷談笑獎  
人倫在晦不絕俗處亂不爲親諸侯不得友天子  
不得臣冲情甄負甌重價折角巾悠悠天下士相  
送洛橋津誰知仙舟上寂寂無四隣

公業負奇志交結盡才雄良田四百頃所食常不  
充一爲侍御史慷慨說何公何公何爲敗吾謀適

不同仲穎恣殘忍廢典良在躬死人如亂麻天子  
如轉蓬干戈及黃屋荆棘生紫宮鄭生運其謀將  
以清國戎時來命不遂脫身歸山東凜凜千載下  
穆然懷清風

奉使益州至長安發鍾陽驛

躋險方未夷乘春聊騁望落花赴丹谷奔流下青  
嶂葳蕤曉樹滋滉漾春江漲平川看釣侶狹徑聞  
樵唱蝶戲綠苔前鶯歌白雲上耳目多異賞風煙  
有奇狀峻阻埒長城高標吞巨防聯翩事羈勒辛  
苦勞疲恙夕濟幾滯漫晨登每惆悵誰念復芻狗

山河獨偏喪

赤谷安禪師塔

獨坐巖之曲悠然無俗氛酌酒呈丹桂思詩贈白  
雲煙霞朝晚聚猿鳥歲時聞水華競秋色山翠含  
夕曛高談十二部細覈五千文如如數冥昧生生  
理氛氲古人有糟粕輪扁情未分且當事芝朮從  
吾所好云

和王夔秋夜有所思

寂寂南軒夜悠然懷所知長河落鴈苑明月下鯨  
池鳳臺有清曲此曲何人吹丹唇間玉齒妙響入

雲涯窮巷秋風葉空庭寒露枝勞歌欲有和星鬢  
已將垂

於時春也慨然有江湖之思寄贈御九隴

提琴一萬里負書三十年晨攀偃蹇樹暮宿清冷  
泉翔禽鳴我側旅獸過我前無人且無事獨酌還  
獨眠遙聞彭澤宰高弄武城絃形骸寄文墨意氣  
託神仙我有壺中要題爲物外篇將以貽好道道  
遠莫致旃相思勞日夜相望阻風煙坐惜春花晚  
徒令客思懸水去東南地氣凝西北天關山悲蜀  
道花鳥憶秦川天子何時問公卿本不憐自哀還



自樂歸藪復歸田海屋銀爲棟雲車電作鞭倘遇  
鸞將鶴誰論貂與蟬萊洲頻度淺桃實幾成圓寄  
言飛鳧舄歲晏共聯翩

贈益府裴錄事

忽忽歲云暮相望限風煙長歌欲對酒危坐遂停  
絃停絃變霜露對酒懷朋故朝看桂蟾晚夜聞鴻  
鴈度鴻鴈何時還桂晚不可攀浮雲映丹壑明月  
滿青山青山雲路深丹壑月華臨耿耿離憂積空  
令星鬢侵

贈益府羣官

一鳥自北燕飛來向西蜀單棲劔門上獨舞崑

作

嶼

山足昂藏多古貌哀怨有新曲羣鳳從之遊問

之何所欲答言寒鄉子飄飄萬餘里不息惡木枝  
不飲盜泉水常思稻梁遇願棲梧桐樹智者不我  
邀愚夫余不顧所以成獨立耿耿歲云暮日夕苦  
風霜思歸赴洛陽羽翻毛衣短關山道路長明月  
流客思白雲迷故鄉誰能借風便一舉凌蒼蒼

望宅中樹有所思

我家有庭樹秋葉正離離上舞雙棲鳥中秀合歡  
枝勞思復勞望相見不謂知何當共攀折歌笑此

堂垂

七言古詩

行路難

君不見長安城北渭橋邊  
枯木橫槎臥古田  
昔日含紅復含紫  
常時留霧亦留烟  
春景春風花似雪  
香車玉輦恒闐咽  
若箇遊人一作童不競攀若箇娼

家不來折娼家寶祿  
蛟龍帔公子銀鞍  
千萬騎黃鶯一一向花嬌  
青鳥雙雙將子戲  
千尺長條百尺枝  
月桂星榆相蔽虧  
珊瑚葉上鴛鴦鳥  
鳳凰巢裏雛鷓兒  
巢傾枝折鳳歸去  
條枯葉落任風吹  
一朝

憔悴無人問萬古摧殘君詎知人生貴賤無終始  
倏忽須臾難久恃誰家能駐西山日誰家能堰東  
流水漢家陵樹滿秦川行來行去盡堪憐自昔公  
卿二千石咸擬榮華一萬年不見朱唇將玉貌唯  
聞青棘與黃泉金貂有時須換酒玉塵恒搖莫計  
錢寄言坐客神仙署一生一死交情處蒼龍闕下  
君不留白鶴山頭我應去雲間海上邈難期赤心  
會合在何時但願堯年一百萬長作巢由也不辭

長安古意

長安大道連狹斜青牛白馬七香車玉輦縱橫過

主第金鞭絡繹向侯家龍御寶蓋承朝日鳳吐流  
纈帶晚霞白丈游絲爭繞樹一羣嬌鳥共啼花啼  
花戲蝶千門側碧樹銀臺萬種色複道交總作合  
歡雙闕連覺垂鳳翼梁家画閣天中起漢帝金莖  
雲外直樓前相望不相知陌上相逢詎相識借問  
吹簫向紫烟曾經學舞度芳年得成比目何辭死  
願作鴛鴦不羨仙比目鴛鴦真可羨雙去雙來君  
不見生憎帳額繡孤鸞好取門簾帖雙燕雙燕雙  
飛繞画梁羅幃翠被鬱金香片片行雲着蟬鬢織  
織初月上鴉黃鴉黃粉白車中出含嬌含態情非

妖童寶馬鐵連錢，娼婦盤龍金屈膝。御史府中  
烏夜啼，廷尉門前雀欲棲。隱隱朱城臨玉道，遙遙  
翠憶沒金堤。挾彈飛鷹杜陵北，探丸借客渭橋西。  
俱邀俠客芙蓉劍，共宿娼家桃李蹊。娼家日暮紫  
羅裙，清歌一轉口氛氲。北堂夜夜人如月，南陌朝  
朝騎似雲。南陌北堂連北里，五劇三條控三市。弱  
柳青槐拂地垂，佳氣紅塵暗天起。漢代金吾十騎  
來，請翠屠蘘鷓鴣杯。羅襦寶帶爲君解，尊歌趙舞  
爲君開。別有豪華稱將相，轉日回天不相讓。意氣  
由來排灌夫，專權判不容蕭相。專權意氣本英雄，

青虬紫燕坐生風  
自言歌舞長千載  
自謂驕奢凌五公  
節物風光不相待  
桑田碧海須臾改  
昔時金階白玉堂  
卽今惟見青松在  
寂寂寥寥楊子居  
年年歲歲一牀書  
獨有南山桂花發  
飛來飛去襲人裾

和溫縣明府失羣鴈

并序

溫縣明府以鴈詩垂示余以爲古之郎官出宰百里今之墨綬入應千官事止鴈行未宜傷歎至如羸臥空巖者乃可爲失羣慟耳聊因伏枕多暇以斯文應之

三秋北地雪皚皚  
萬里南翔渡海來  
欲隨石燕沈湘水  
試逐銅烏繞帝臺  
帝臺銀闕距金塘  
中間鷓鴣

鷺已成行先過上苑傳書信暫下中洲戲稱  
人負繳來相及齊客虛弓忽見傷毛翎頻頓一作頻頓  
飛無力羽翮摧頽君不識唯有莊周解愛鳴復道  
郊歌重奇色惆悵驚思悲未已徘徊自憐中罔極  
傳聞有鳥集朝陽詎勝仙鳧邇帝鄉雲間海上應  
鳴舞遠得鴟弦猶獨撫金龜全寫中牟印玉鵠當  
變萊蕪金願君弄影鳳皇池時憶籠中摧折羽

騷體

懷仙引

若有人兮山之曲駕青虬兮乘白鹿往從之遊願



心足披澗戶訪巖軒石瀨潺湲橫石徑松蘿羃巖  
掩松門下空濛而無鳥上巉巖而有猿懷飛閣度  
飛梁休余馬於幽谷掛余冠於夕陽曲復曲兮烟  
莊遽行復行兮天路長修途杳其未半飛雨忽以  
茫茫山坎輒磴連褰攀石壁而無據泝泥谿而不  
前向無情之白日竊有恨於皇天廻行遵故道通  
川遍流潦廻首望羣峯白雲正溶溶珠爲闕兮玉  
爲樓青雲蓋兮紫霜裘天長地久時相憶千齡萬  
代一來遊

明月引

洞庭波起兮鴻鴈翔風瑟瑟兮野蒼蒼浮雲捲靄  
明月流光荆南兮趙北碣石兮瀟湘澄清規於萬  
里照離思於千行橫桂枝於西第繞菱花於北堂  
高樓思婦飛蓋君王文姬絕域侍子他鄉見胡鞍  
之似練知漢劍之如霜試登高而騁一作極目莫不  
魂變而迴腸

獄中學騷體

夫何秋夜之無情兮皎晶悠悠而太長闔戶杳其  
幽邃兮愁人披此嚴霜見河漢之西落聞鴻鴈之  
南翔山有桂兮桂有芳心思君兮君不將憂與憂

兮相積歡與歡兮兩忘風嫋嫋兮木紛紛凋綠葉  
兮吹白雲寸步千里兮不相聞思公子兮日將曛  
林已暮兮鳥羣飛重門掩兮人逕稀萬族皆有所  
托兮蹇獨淹留而不歸

釋疾文三歌

歲將暮兮歡不再時已晚兮憂來多東郊絕此麒  
麟筆西山秘此鳳凰柯死去死去今如此生兮生  
兮奈汝何

歲去憂來兮東流水地久天長兮人共死明鏡羞  
窺兮向十年駿馬停驅兮幾千里麟兮鳳兮自古

吞恨無已

茨山有薇兮潁水有漪夷爲栢兮秋有實叔爲柳

兮春向

一作雨

飛條爾而笑汎滄浪兮不歸

乙籤四十二盧照隣之二 唐音統籤卷二十七

五言律詩

劉生

劉生氣不平抱劍欲專征報恩爲豪俠死難在橫  
行翠羽裝劍一作鞘黃金縷一作飾馬纓但令一顧  
重不恡百身輕

隴頭水

隴阪高無極征人一望鄉關河別去水沙塞斷歸  
腸馬繫千年樹旌懸九月霜從來共嗚咽皆是爲

勤王

巫山高

巫山望不極，望望下朝氛。  
莫辨啼猿樹，徒看神女雲。  
驚濤亂水脈，驟雨暗峯文。  
霖裳卽此地，况復遠思君。

芳樹

芳樹本多奇，年華復在斯。  
結翠成新幄，開紅滿故枝。  
風歸花歷亂，日度影參差。  
容色朝朝落，思君君不知。

雨雪曲

虜騎三秋入，關河萬里平。  
雪似胡沙暗，冰如漢月

明高闕銀爲闕長城玉作城節旄零落盡天子不知名

昭君怨

合殿恩中絕交河使漸稀肝腸隨玉輦形影向金

微漢地

一作宮

草應綠胡庭沙正飛願逐三秋鴈年

年一度歸

折楊柳

倡樓啓曙屏楊柳正依依鶯啼知歲隔條變識春

歸露葉凝愁黛風花亂

一作落

舞衣攀桂將安寄

中音信稀

梅花落

梅

一作嶺

院花初發天山雪未開雪處疑花滿花邊

似雪迴因風入舞袖雜粉向粧臺  
匈奴幾萬里春至不知來

關山月

塞垣通碣石虜障抵祈連  
相思在萬里明月正孤

懸影移金岫北光斷玉門前  
寄言閨

一作昔謝

中婦時

一作愁

看鴻鴈天

上之回

回中道路險蕭關烽候多  
五管屯北

一作右

地萬乘



出西河單于拜玉璽天子按雕戈振旅汾川曲秋  
風橫大歌

紫驪馬

驪馬照金鞍轉戰入臯蘭塞門風稍急長城水正  
寒雪暗鳴珂重山長噴玉難不辭橫絕漠流血幾  
時乾

戰城南

將軍出紫塞冒頓在烏貪狝喧鴈門北陣翼龍城  
南瑠弓夜宛轉鐵騎曉驂驪應須駐白日爲待戰  
方酣

春晚山莊率題二首

田家無四隣，獨坐一園春。  
鶯啼非選樹，魚戲不經綸。  
山水彈琴盡，風花酌酒頻。  
年華已可樂，高興復留人。

顛步三春晚，田園四望通。  
遊絲橫惹樹，戲蝶亂依叢。  
竹懶偏宜水，花狂不待風。  
唯餘詩酒意，當了一生中。

元日述懷

筮仕無中秩，歸耕有外臣。  
人歌小歲酒，花舞大唐春。  
草色迷三徑，風光動四隣。  
願得長如此，年年物

候新

江中望月

江水向溁陽澄澄寫月光鏡圓珠溜澈弦滿箭波  
長沈鈎搖兔影浮桂動丹芳延照相思夕千里共  
霑裳

十五夜觀燈

錦里開芳宴蘭缸豔早年綺彩遙分地繁光遠綴  
天接漢疑星落依樓似月懸別有千金笑來映九  
枝前

七夕泛舟二首

汀葭蕭徂暑江樹起初涼水疑通織室舟似泛仙  
潢連橈渡急響鳴棹下浮光日照菱歌唱風煙滿  
夕陽

鳳杼秋期至鳧舟野望開微吟翠塘側延想白雲  
隈石似支機罷槎疑犯宿來天潢殊漫漫日暮獨  
悠哉

辛法司宅觀妓

一作王續詩

南國佳人至北堂羅薦開長裙隨鳳管促柱送鸞  
杯雲光身後落雪態掌中迴到愁金谷晚不惟玉  
山頽

益州城西張超亭觀妓

落日明歌席行雲逐舞人  
江前飛暮雨梁上下輕  
塵冶服看疑畫粧樓望似春  
高車勿遽返長袖欲  
相親

至陳倉曉晴望京邑

拂曙驅飛傳初晴帶曉涼  
霧斂長安樹雲歸仙帝  
鄉澗流漂素沫巖景靄朱光  
今朝好風色延瞰極  
天莊

入秦川界

隴坂長無極蒼山望不窮  
石逕縈疑斷回流映似

空花開綠野霧鶯轉紫巖風春芳勿遽盡留賞故人同

文翁講堂

錦里淹中館岷山稷下亭空梁無燕雀古壁有丹青  
槐落猶疑市苔深不辨銘良哉二千石江漢表遺靈

相如琴臺

聞有雍容地千年無四隣園院風煙古池臺松檟  
春雲疑作賦客月似聽琴人寂寂啼鶯處空傷遊子神

石鏡寺

古墓芙蓉塔神銘松栢煙鸞沉仙鏡底花沒梵輪  
前銖衣千古佛寶月兩重圓隱隱香臺夜鍾聲徹  
九天

和吳侍御被使燕然

春歸龍塞北騎指鴈門垂胡笳折楊柳漢使採燕  
條一作支戍城聊一望花雪幾參差關山有新曲應

向笛中吹

酬楊比部員外暮宿琴堂朝躋書閣率爾見  
贈之作

間拂簷塵看鳴琴候月彈桃源迷漢姓松樹有秦  
官空谷歸人少青山背日寒羨君栖隱處遙望在  
雲端

晚渡滹沱敬贈魏大

津谷朝行遠冰川夕望曛霞明深淺浪風捲去來  
雲澄波泛月影激浪聚沙文誰忍仙舟上攜手獨  
思君

還京贈別

風月清江夜山水白雲朝萬里同爲客三秋契不  
凋戲鳥分斷岸歸騎別高標一去山橋道還望錦



城遙

送梓州高叅軍還京

京洛風塵遠，褰斜烟霧深。  
北遊君似智，南飛我異禽。  
別路琴聲斷，秋山猿鳥吟。  
一乖青巖酌，空佇白雲心。

大劔送別劉右史

金碧禹山遠，關梁蜀道難。  
相逢屬晚歲，相送動征鞍。  
地咽綿川冷，雲凝劔閣寒。  
備遇忠孝所，爲道憶長安。

卷終

乙籤四十二盧照隣之三 唐音統籤卷二十八

五言排律

結客少年場行

長安重遊俠洛陽富才雄玉劔浮雲騎金鞭明月  
弓鬪雞過渭北走馬向關東孫賓遙見待郭解暗  
相通不受千金爵誰論萬里功將軍下天上虜騎  
入雲中烽火夜似月兵氣曉成虹橫行狗知己負  
羽遠從戎龍旌昏朔霧鳥陣捲胡風追奔瀚海咽  
戰罷陰山空歸來謝天子何如馬上翁

山莊休沐

蘭署乘閒日蓬扉狎遁棲龍柯疎玉井鳳葉下金  
堤川光搖水箭山氣上雲梯亭幽聞唳鶴牕曉聽  
鳴雞玉軫臨風奏瓊漿映月攜田家自有樂誰肯  
謝青谿

山林休日田家

歸休乘暇日儲穉適秋場徑草疏玉簪巖枝落帝  
桑耕田虞訟寢鑿井漢機忘戎葵朝委露齊棗夜  
含霜南澗泉初冽東籬菊正芳還思北牕下高臥  
偃羲皇

羈卧山中

卧壑迷時代行歌任死生紅顏意氣盡白壁故交  
輕澗戶無人跡山牕聽鳥聲春色緣巖上寒光入  
溜平雪盡松帷暗雲開石路明夜伴饑甍宿朝隨  
馴雉行度谿猶憶處尋洞不知名紫書常日閱丹  
藥幾年成扣鍾鳴天鼓燒香厭地精倘偶浮丘鶴  
飄飄凌太清

三月曲水宴

得樽字

風煙彭澤里山水仲長園由來棄銅墨本自重琴  
樽高情邈不嗣雅道今復存有美光時彥養德坐  
山樊門開芳杜逕室距桃花源公子黃金勒仙人

紫氣軒長懷去城市高詠狎蘭蓀連沙飛白鷺孤  
嶼嘯玄猿日影巖前落雲花江上翻與闌車馬散  
林塘夕鳥喧

宴梓州南亭

得池字

二條開勝跡大隱叶冲規亭閣分危岫樓臺遶曲  
池長薄秋煙起飛梁古蔓垂水鳥翻荷葉山蟲咬  
桂枝遊人惜將晚公子愛忘疲願得迴三舍琴樽  
長若斯

宿晉安縣

聞有絃歌地穿鑿本多奇游人試一覽臨翫果忘

疲牕橫暮捲

一作落

葉簷卧古生枝舊石開紅蘚新

荷覆綠池孤猿稍斷絕宿

一作百

鳥復參差汎灑月

華曉徘徊星鬢垂今日刪書客悽惶君詎知

### 過東山谷口

不知名利險辛苦滯皇州始覺飛塵倦歸來事綠  
疇桃源迷處所桂樹可淹留跡異人間俗禽同海  
上鷗古苔依井被新乳傍崖流野老堪成鶴山神  
或化鳩泉鳴碧澗底花落紫巖幽日暮食龜殼天  
寒御鹿裘不辨秦將漢寧知春與秋多謝青谿客  
去去赤松遊

早度分水嶺

丁年遊蜀道斑鬢向長安徒費周王粟空彈漢吏

冠馬蹄穿欲盡貂裘敝

一作故

轉寒厓冰橫九折積

石凌七盤重谿旣下漱峻峯亦上于隴頭聞戍鼓  
嶺外咽飛湍瑟瑟松風急蒼蒼山月團傳語後來  
者斯路誠獨難

酬張少府東之

昔余與夫子相遇漢川陰珠浦龍猶卧檀溪馬正  
沈價重瑤山曲詞驚丹鳳林十年睽賞慰萬里隔  
招尋毫翰風期阻荆衡雲路深鵬飛俱望井夔屈

其悲今誰謂青衣道還歎白頭吟地接神仙礪江  
連雲雨岑飛泉如散玉落日似懸金重以瑤華贈  
空懷舞詠心

首春貽京邑文士

寂寂罷將迎門無車馬聲橫琴蒼山水披卷閱公  
卿忽聞歲云晏倚杖出簷楹寒辭楊柳栢春滿鳳  
凰城梅花扶院吐蘭葉繞階生覽鏡改容色藏書  
留姓名時來不假問生死任交情

選赴蜀中貽示京邑遊好

藥宿花初滿章臺柳向飛如何正此日還望昔多



違恨別風期阻將垂雲會稀斂衽辭丹闕懸旌陟  
翠微野禽喧戍鼓春草變征衣回顧長安道關山  
起夕暉

至望喜矚目言懷胎劔外知己

聖圖夷九折神化掩三分緘愁赴蜀道題拙奉虞  
薰隱麟度深谷遙裊上高雲碧流遞縈注青山互  
糾紛澗松咽風緒巖花濯露文思北常依馭圖南  
每喪羣

世本無  
此四句

無繇召宣室何以荅吾君

贈許左丞從駕萬年宮

聞道上之回詔蹕下蓬萊中樞移北斗左轉去南

臺黃山聞鳳笛清蹕侍龍媒  
曳日朱旗捲參雲金障開  
朝參五城柳夕宴栢梁杯  
漢時光如月秦祠聽似雷  
寂寂芸香閣離思獨悠悠哉

和夏日幽莊

聞有高蹤客耿介坐幽莊  
林壑人事少風煙鳥路長  
瀑水含秋氣垂藤引夏涼  
苗深全覆隴荷上半侵塘  
釣渚青鳧沒村田白鷺翔  
知君振奇藻還嗣海隅芳

晚渡渭橋寄示京邑遊好

我行背城闕驅馬獨悠悠  
寥落百年事徘徊萬里

憂途遙日向夕時晚鬢將秋滔滔俯東逝耿耿泣  
西浮長虹掩釣浦落鴈下星洲草變黃山曲花飛  
清渭流迸水驚愁鷺騰沙起狎鷗一赴青泥道空  
思玄灞遊

山行寄劉李二參軍

萬里煙塵客三春桃李時事去紛無限愁來不自  
持狂歌欲歎鳳失路反占龜草礙人行緩花繁鳥  
度遲彼美參卿事留連求友詩安知倦遊子兩鬢  
漸如絲

贈李榮道士

錦節銜天使瓊仙駕羽君投金翠山曲莫瑩清江  
濱圓洞開丹鼎方壇聚絳雲寶一作資 賦幽難識空  
歌迴易分風搖十洲影日亂九天文敷誠歸上帝  
應詔在一作佐 明君獨有南冠客耿耿泣離羣遙看  
八會所真氣曉氤氳

綿州官池贈別

同賦  
灣字

輜軒遵上國仙珮

一作氣

下靈關樽酒方無地聯綬

喜暫攀離言欲贈策高辨正連環野迥浮雲斷荒  
池春草斑殘花落古樹度鳥入澄灣欲敘他鄉別  
幽谷有瀟蠻

送幽州陳參軍赴任寄呈鄉曲父老

薊北三千里關西二十年  
馮唐猶在漢樂毅不歸燕  
人同黃鶴遠鄉共白雲  
連郭隗池臺處昭王樽  
酒前故人鬢已老  
舊壑幾成田紅顏如昨日  
衰鬢似秋天  
西蜀橋應毀東周石尚全  
灞池水猶綠榆關月早圓  
塞雲初上鴈庭樹欲銷蟬  
送君之舊國揮淚獨潸然

西使兼送孟學士南遊

地道巴陵北天山弱水東  
相看萬餘里共倚一征蓬  
零雨悲王粲清樽別孔融  
徘徊聞夜鶴悵寐待

秋鴻骨肉胡秦外  
風塵關塞中  
唯餘劔鋒在  
耿耿氣成虹

送鄭司倉入蜀

離人丹水北  
遊客錦城東  
別意還無已  
離憂自不窮  
隴雲朝結陣  
江月夜臨空  
關塞疲征馬  
霜氛落早鴻  
潘年三十外  
蜀道五千中  
送君秋水曲  
酌酒對秋風

哭金部韋郎中

金曹初受拜  
玉地始含香  
翻同五日尹  
遽見一星亡  
賀客猶扶路  
哀人遂上堂  
歌筵長寂寂  
哭位自

蒼蒼歲時賓徑斷朝暮雀羅張書留魏主閣蒐掩  
漢家淋徙令永平帝千載罷撞郎

同崔錄事哭鄭員外

文學秋天遠郎官星位尊伊人表時彥飛譽滿司  
存楚席光文雅瑤山侍討論鳳詞凌漢閣龜辯罩  
周園已陪東嶽駕將逝北溟鯤如何萬化盡空歎  
九飛蒐白馬西京驛青松北海門夜臺無曉箭朝  
奠有虛尊一代僞風沒千年龍霧昏梁山送夫子  
湘水弔王孫僕本多悲淚沾裳不待猿聞君絕絃  
曲吞恨更無言

哭明堂裴簿

締歡三十載通家數百年  
潘楊稱代穆秦晉忝姻  
連風雲洛陽道花月茂陵田  
相悲共相樂交騎復  
交筵始謂調金鼎如何掩玉泉  
黃公酒壚處青眼  
竹林前故琴無復雪新樹  
但生煙遽痛蘭襟斷徒  
令寶劍懸客散同秋葉  
人似夜川送君一長慟  
松臺路幾千

同臨津紀明府孤鴈

三秋違北地萬里向南翔  
河洲花稍白關塞葉初  
黃避繳風霜勁懷書道路長  
水流疑箭動月照似



天  
第  
一  
卷  
弓傷橫天無有陣度海不成行會刷能鳴羽還赴  
上林鄉

五言絕句

登玉清

絕頂橫臨日孤峯半倚天徘徊拜真老萬里見風  
烟

臨堦行

封霜連錦砌防露拂瑤堦聊將儀鳳質暫與俗人  
諧

曲池荷

浮香繞曲岸圓影覆華池常恐秋風早飄零君不知

浴浪鳥

獨舞依磐石羣飛動輕浪奮迅碧沙前長懷白雲上

含風蟬

高情臨爽月急響送秋風獨有危冠意還將衰鬢同

葭川獨泛

倚棹春江上橫舟石岸前山暝行人斷迢迢獨泛

仙

宿玄武二首

方池開曉色圓月下秋陰已乘千里興還撫一絃琴

庭搖北風柳院繞南溟禽累宿恩方重窮秋歎不深

九隴津集

落落樹陰紫澄澄水華碧復有翻飛禽徘徊疑曳

鳥

前有遺柳九隴詩  
蓋縣令故云曳鳥

遊昌化山精舍

寶地乘峯出香臺接漢高稍覺真途近方知人事  
勞

送二兄入蜀

關山客子路花柳帝王城此中一分手相顧憐無  
聲

七言絕句

登封大酺歌四首

明君封禪日重光天子垂衣曆數長九州四海常  
無事萬歲千秋樂未央

日觀仙雲隨鳳輦天開瑞雪照龍衣繁絃綺席方

終夜妙舞清歌歡未歸

翠鳳逶迤登介丘仙鶴徘徊天上遊借問乾封何  
所樂人皆受命得千秋

千年聖主應昌期萬國淳風王化基請比上古無  
爲代何如今日太平時

九月九日登玄武山旅眺

九月九日眺山川歸心歸望積風煙他鄉共酌金  
花酒萬里同悲鴻鴈天

句

城狐尾獨束山鬼面參覃

詩式

卷終

乙籤四十三

唐音統籤卷二十九

駱賓王義烏人七歲能屬文尤妙于五言詩嘗作  
帝京篇當時以爲絕唱然落魄無行好與博徒遊  
初爲道王府屬武功王簿又調長安王簿武后時  
左遷臨海丞怏怏失志棄官去徐敬業舉義署爲  
府屬爲敬業草檄斥武后罪狀后讀之矍然歎曰  
宰相安得失此人事敗死或云亡命爲僧以壽終

集十卷

唐宋志同

今編詩爲五卷

本傳云賓王死後文多散佚武后素重其

文遣使求之又云中宗朝降較搜訪賓王詩筆有  
兖州人郗雲卿集成十卷盛傳于世朝野僉載  
云世稱王楊盧駱楊爲文好以古人姓名連用如  
張平子之略談陸士衡之所記潘安仁宜其陋矣

仲長統何足知之號爲點鬼簿賓王文好以數對  
如秦地重關一百二漢家離宮三十六人號爲筭  
博士帝京篇曰倏忽搏風生羽翼須臾失浪委泥  
沙後與敬業興兵楊州大敗逃死此其識也王  
弇州云盧駱王楊號稱四傑詞旨華靡固沿陳隋  
之遺骨氣翩翩意象老境超然勝之五言遂爲律  
家正始內子安稍近樂府楊盧尚宗漢魏賓王長  
歌雖極浮靡而綬錦貫珠滔滔洪遠故是千秋絕  
藝蕩子從軍獻吉改爲歌行遂成雅什子安諸賦  
皆歌行也爲歌行則佳爲賦則醜胡元瑞云沈  
宋前排律殊寡惟駱賓王篇什獨盛流麗雄  
渾獨步一時爲僧事詳宋之問靈隱寺詩下

五言古詩

詠懷古意上裴侍郎

三十二餘罷鬢是潘安仁四十九仍入年非朱買  
臣縱橫愁擊越坎壈倦遊秦出籠窮短翮委轍涸

枯鱗磨鉛

窮一作

不需用彈鋏誰申天子未驅策

歲月幾沈淪輕生長慷慨效死獨殷勤徒歌易水

客空老渭川人一得視邊塞萬里何苦辛劍匣胡

霜影弓開漢月輪金刀

一作

動秋色鐵騎想風塵

爲國堅誠歎捐軀忘賤貧勤功思比憲決略暗欺

陳若不犯霜雪虛擲玉京春

夏日遊德州贈高四

并序

夫在心爲志發言爲詩詩有不得盡言言有不  
得盡意僕少負不羈長途虛誕讀書頗存涉獵  
學劍不待窮工進不能矯輪龍雲退不能棲神  
豹霧撫循緒已深覺勞生而太夫人在堂義須  
捧檄因仰長安而就日赴帝鄉而望雲雖文闕  
二冬而書勞十上嗟辛入門自媿誰相謂言致



使君門隔于九重中掌遠于千里既而交非得  
免路是亡羊敬止弊廬場來初服遠得載披玉  
業歎洽金蘭傾意氣於一言締風期于千祀雖  
交因氣合資得意以教交道契言忘少寄言而  
筌遺是以輕投木李以代疏麻章句繁蕪心神  
愧慙庶瞻雅韻矧辱報章則紫耀連星開龍文  
于劍匣素輝虧月領  
驪頰于珠胎云爾

日觀鄰全趙星臨俯舊吳  
昂津開巨浸稽阜鎮名  
都紫雲浮劍匣青山孕寶符  
封疆恢霸道問鼎競  
雄圖神光包四大皇威震八區  
風烟通地軸星象  
正天樞天樞限南北地軸殊鄉國  
闢門通舜賓比  
屋封堯德言謝垂釣隱來參負  
鼎職天子不見知  
羣公詎相識未展從東駿空戢  
圖南翼時命欲何

言撫膺長歎息歎息將如何遊人意氣多白雪一作

雲梁山曲寒風易水歌涼魏傷吳起思趙切廉頗

婁斷韓王劍生死翟公羅羅悲翟公意劍負韓王  
氣驕餌去易論忌途良可畏夙昔懷江海平生混  
涇渭千載契風雲一言忘賤貴去去訪林泉空谷  
有遺賢言投爵里刺來泛野人船締交君贈縞投  
分我忘筌成風郢匠斲流水伯牙弦牙弦忘道術

漳濱恣閑逸聊安張蔚廬詎掃陳蕃室虛室狎招  
尋敬愛混浮沉一諾黃金信三復白珪心霜松貞  
雅節月桂朗冲襟靈臺萬頃濬學府九流深談玄

明毀壁拾紫陋籛金鷺濤開筆海鳳彩綴詞林林  
虛星華映水澈霞光淨霞水兩分紅川源四望通  
霧捲天山靜煙銷太史空鳥聲流迴薄蝶影亂芳  
叢柳陰低塹水荷氣上薰風風月芳菲節物華紛  
可悅將歡促席賞遽爾又歸別積水帶吳門通波  
連禹穴贈言雖欲盡機心庶應絕潘岳本自閑梁  
鴻不因熱一瓢欣狎遁三月聊棲拙棲拙隱金華  
狎遁訪僊查放曠愚公谷蕭散野人家一頃南山  
豆五色東陵瓜野衣栽薜葉山酒酌藤花白雲離  
望遠青谿隱路賒儻憶幽巖桂猶冀折疏麻

在江南贈宋五之問

井絡雙源濬潯陽九派長淪波通地穴輪委下歸  
塘別島籠朝蜃連洲擁夕漲韞珠澄積潤讓壁動  
浮光浮光凝折水積潤疎圓止玉輪涵地開劍匣  
連星起風烟標迥秀英靈信多美懷德踐遺芳端  
操慙謀已謀已謬觀光牽迹強恣惶揆拙迷三省  
勞生昧兩忘彈隨空被一作笑獻楚自多傷一朝

殊默語千里易炎涼炎涼幾遷貿川陸疲臻輳積  
水架吳濤連山橫楚岫風月雖殊昔星河猶是舊  
姑蘇望南浦邯鄲通北走北走平生親南浦別離

津瀟湘一起忽洞庭多苦辛秋江無綠芷寒汀有  
白蘋采之將何遺故人漳水濱漳濱已遼遠江潭  
未旋返爲聽短歌行當想長洲苑露金薰菊岸風  
珮搖蘭坂蟬鳴稻葉秋鴈起蘆花晚晚秋雲日明  
亭阜風露清獨負平生氣重牽搖落情占星非聚  
德夢月詎懸名寂寥傷楚奏淒斷泣秦聲秦聲懷  
舊里楚奏悲無已卸路少知音叢臺富奇士溫輝  
凌愛日壯氣驚寒水一顧重風雲三冬足文史文  
史盛紛綸京洛多風塵猶輕五車富未重一囊貧  
李仙非易託蘇鬼尚難因不惜勞歌盡誰爲聽陽

春

七言古詩

行軍中行路難

同辛常伯作

君不見玉關塵色暗邊庭  
銅鞮雜虜寇長城  
天子按劍徵餘勇  
將軍受脤事橫行  
七德龍鞘開玉帳  
千重鼙鼓疊金鉦  
陰山苦霧埋高壘  
交河孤月照連營  
連營連營去去無窮極  
擁旆遙遙過絕國  
陣雲朝結晦  
天山寒沙夕漲迷  
疎勒龍鱗水上開  
魚貫馬首山前振  
鷗翼長驅萬里鶻  
祁連分麾三令武功  
宜百發烏號遙碎柳  
七尺龍文迴照蓮  
春來秋去

移灰瑄蘭閨柳市芳塵斷鴈門迢遞尺書稀鴛被  
相思雙帶緩行路難行路難誓令氛祲靜臯蘭但  
使封侯龍頰貴詎隨中婦鳳樓寒

帝京篇

史部引注日  
索文撰呈

山河千里國城闕九重門不覩皇居壯安知天子  
尊皇居帝里峭函谷鶉野龍山侯甸服五緯連影  
集星躔八水分流橫地軸秦塞重關一百二漢家  
離宮三十六桂殿嶽峯對玉樓椒房窈窕連金屋  
三條九陌麗城隈萬戶千門平日開複道斜通鶉  
鶡觀交衢直指鳳皇臺劒履南宮入絳纓北闕來

聲明冠寰宇文物象昭回勾陳蕭蘭祀璧沼浮楓  
市銅羽應風迴金莖承露起校文天祿閣習戰昆  
明水朱邸抗平臺黃屏通戚里平臺戚里帶崇墉  
炊金饌玉待鳴鍾小堂綺帳三千戶大道青樓十  
二重寶蓋雕鞍金絡馬蘭牕繡柱玉盤龍繡柱璇  
題粉壁映鏘金鳴玉王侯盛王侯貴人多近臣朝  
遊北里暮南隣陸賈分金將讌喜陳遵投轄正留  
賓趙李經過密蕭朱交結親丹鳳朱城白日暮青  
牛紺幘紅塵度俠客珠彈垂楊道侶婦銀鈎采桑  
路侶家桃李自芳菲京華遊俠盛輕肥延年女弟



雙飛入羅敷使君千騎歸同心結縷帶連理織成  
衣春朝桂樽樽百味秋夜蘭燈燈九微翠幌珠簾  
不獨映清歌寶瑟自相依且論三萬六千是寧知  
四十九年非古來名利若浮雲人生倚伏信難分  
始見田寶州傾一作移奪俄聞衛霍有功勛未厭金  
陵氣先開石槨文朱門無復張公子瀟亭誰畏李  
將軍相顧百齡皆有待居然萬化咸應改桂枝芳  
氣已銷亾栢梁高宴今何在春去春來苦自馳爭  
名爭利徒爾爲久留郎署終難遇空掃相門誰見  
知當時一旦擅豪華自言千載長吟奢倏忽搏風

生羽翼須臾失浪委泥沙黃雀

一作鶴

徒巢桂

一作柱

青門遂種瓜黃金銷鑠素絲變一貴一賤交情見  
紅顏宿昔白頭新脫粟布衣輕故人故人有湮淪  
新知無意氣灰死韓安國羅傷翟廷尉已矣哉歸  
去來馬卿辭蜀多文藻楊雄仕漢乏良媒三冬自  
矜誠足用十年不調幾遭迴汲黯薪逾積孫弘閣  
未開誰惜長沙傅獨負洛陽才

疇昔篇

少年重英俠弱歲賤衣冠旣託寰中賞方承膝下  
歡遊遊灞水

一作陵

曲風月洛城端且知無玉饌誰

肯逐金丸金丸玉饌盛繁華自言輕侮季倫家九  
陌爭馳千里馬三條競驚七香車掩映飛軒乘落  
一作照參差步障引朝霞池中舊水如懸鏡屋裏

新粧不讓花意氣風雲倏如昨歲月春秋屢迴薄

上苑頻經柳絮飛中園幾見梅花落當時門客今

何在疇昔交朋

一作遊

已疎索莫教憔悴損容儀會

得高秋雲霧廓淹留坐帝鄉無事積爽涼一朝披

短褐六載奉長廊賦文慙昔馬執戟歎前楊揮戈

出武帳荷筆入文昌文昌隱隱皇城裏由來奕奕

多才子潘陸詞鋒絡繹飛張曹翰苑縱橫起卿相

未曾識王侯寧見擬垂釣甘成白首翁負薪何處

逢知己

二句一作徒勞倦  
負薪何處逢知己判誰

一作將運命賦窮通

從來奇舛任西東不

一作

應

一作言  
又作教

永棄同芻狗

且復飄飄類轉蓬容鬢年年異春華歲歲同榮親

未盡禮狗主欲申功脂車秣馬辭鄉國繁轡西南

使印燹玉壘銅梁不易攀地角天涯眇難測鶯囀

蟬吟有悲望鴻來鴈度無音息陽關積霧萬里昏

劍閣連山千種色蜀路何悠悠岷峰阻且修迺腸

隨九折迸淚連

一作

雙流寒光千里暮露氣二江

秋長途看東馬平水且沉牛華陽舊地標神制石

鏡蛾眉真秀麗諸葛才雄已號龍公孫躍馬輕稱

帝五丁卓犖多奇力四士英靈富文藝雲氣橫開

八陣形橋影遙分七星勢川平烟霧開遊戲錦城

隈墉高龜望出一作步轉水淨鴈文迴尋姝入酒肆訪

客上琴臺不識金貂重偏惜玉山頽他鄉冉冉消

年月帝里沉沉限城闕不見猿聲助客啼惟聞旅

思將花發我家迢迢關山裏關山迢遞不可越故

園梅柳尚有餘春來勿使芳菲歇解鞅一作欲言

歸執袂愴多違北梁俱握手南浦共沾衣別情傷

去蓋離念惜徂輝知音何所託木落鴈南飛回來

望平陸春來酒應熟相將茵閣卧青谿

一作沂

且用

藤杯泛黃菊十年不調爲貧賤百日屢遷隨倚伏  
祗爲須求負郭田使我再千州縣祿百年鬱鬱少  
鵬遷萬里遙遙入鏡川吳江沸浪衝白日淮海長  
波接遠天叢竹凝朝露孤山起暝煙賴有邊城月  
常伴客旌懸東南美箭稱吳會名都隱軫三江外  
塗山執玉應昌期曲水開襟重文會僊鏞流音鳴  
鶴嶺寶劍分輝落蛟瀨未看白馬對蘆芻且覺浮  
雲似車蓋江南節序多文酒屢經過共踏春江曲  
俱唱采菱歌舟移疑入鏡棹舉若乘波風光無限

極

一作數

歸櫂礙池荷。眺聽煙霞正。流盼卽從下事。

歸櫂轉芝田。花月

一作發

屢徘徊。金谷佳期重遊衍。

登高北望

一作南適

唾梁叟。憑軾西征。想潘據峯開華。

岳聳疑蓮水。激龍門急如箭。人事謝光陰。俄遭霜

露侵。偷存七尺影。分沒九泉深。窮途行泣玉。憤路

未藏金。茹荼荼空有歎。懷橘獨傷心。年來歲去成銷

鑠。懷抱心期漸寥落。掛冠裂冕已辭榮。南畝東臯

事畊鑿。賓階客院常疎散。蓬徑柴扉終寂寞。自有

林泉堪隱棲。荷必山中事。丘壑我住青門外。家臨

素澹濱。遙瞻丹鳳闕。斜望黑龍津。荒衢通獵騎。窮

巷抵樵輪時有桃源客來訪竹林人昨夜琴聲奏  
悲調旭旦含顰不成笑果乘驄馬發囂書復道郎  
官稟綸誥治長非罪曾縲綬長孺然灰也經溺高  
門有闕不圖封峻筆無聞斂敷妙適離京兆謗還  
從御史彈炎威資一作夏景乎曲况秋翰畫地終  
難入書空自不安吹毛未可待搖尾且求食丈夫  
坎壈多愁疾契濶速遭盡今日慎罰寧憑兩造辭  
嚴科直掛三章律鄒衍銜銜悲衝燕獄李斯抱怨拘  
秦桎一作格不應白髮頓成絲直爲黃沙暗如漆紫  
禁終難叫朱門不易排驚覓聞葉落危鬼逐輪埋



霜威遙有厲雪杜遂

一作  
誰更

無階含冤欲誰道飲氣

獨居懷忽聞驛使發關東傳道天波萬里通涸鱗

去轍還遊

一作  
先逝

海幽禽釋網便翔空舜澤堯曦方

有極讒言巧佞儻無窮誰能跼踏

一作  
迹

依三輔會

就商山訪四翁

豔情代郭氏答盧照鄰

迢迢芋路

芋舊作  
芋誤

望芝田眇眇函關限蜀川歸雲

已落涪江外還鴈應過洛水灑洛水傍遠帝城側

帝宅層臺垂鳳翼銅駝路上柳千條金谷園中花

幾色柳葉園花處處新洛陽桃李應芳春妾向雙

流窺石鏡君住三川守玉人此時離別那堪道此  
日空牀對芳沼芳沼徒遊比日魚幽徑還生拔心  
草流風迴雪儻便娟驥子魚文實可憐擲果河陽  
君有分賣酒成都妾亦然莫言貧賤無人重莫言  
富貴應須種綠珠猶得石崇憐飛燕曾經漢皇寵  
良人何處醉縱橫直如循默守空名倒提新繖成  
慊慊翻將故劔作平平離前吉夢成蘭兆別後啼  
痕上竹生別日分明相約束已取宜家成誠勗當  
時擬弄掌中珠豈謂先摧庭際玉悲鳴五里無人  
問腸斷三聲誰爲續思君欲上望夫臺端居懶聽

將雛曲沈沈落日向山低簷前歸燕竝頭栖抱膝  
當牕看夕兔側耳空房聽曉雞舞蝶臨階蹇自舞  
啼鳥逢人亦助啼獨坐傷孤枕春來悲更甚  
峨眉山上月如眉濯錦江中霞似錦錦字迴文欲贈君  
劒壁層峯自糾紛平江淼淼分清浦長路悠悠間  
白雲也知京洛多佳麗也知山岫遙虧蔽無那短  
封印疎索不在長情守期契傳聞織女對牽牛相  
望重河隔淺流誰分迢迢經兩歲誰能脉脉待三  
秋情知唾井終無理情知得水也難收不復下山  
能借問更向盧家字莫愁

代女道士王靈妃贈道士李榮

玄都五府風塵絕碧海三山波浪深桃實千年非  
易待桑田一變已難尋別有仙居對三市金闕銀  
宮相向起臺前鏡影伴仙娥樓上蕭聲隨鳳史鳳  
樓迢遞絕塵埃鶯時物色正徘徊靈芝紫檢參差  
長仙桂丹花重疊開雙童綽約時遊陟三鳥聯翩  
報消息盡言真侶出遊遊傳道風光無限極輕花  
委砌惹裙香殘月窺牕規幌色箇時無數併妖妍  
箇裏無窮總可憐別有衆中稱黜帝天上人間少  
流箇洛濱仙駕啓遙源淮浦靈津符遠筮自言少

小慕幽玄只言容易得神仙佩中邀勒經時序簫  
裏尋思復幾年尋思許事真情變二八容華識少  
選漫道燒丹止七飛空傳化石曾三轉寄語天上  
弄機人寄語河邊值查客乍可怱怱共百年誰使  
遙遙期七夕想知人意自相尋果得深心共一心  
一心一意無窮已投漆投膠非足擬只將羞澁當  
風流持此相憐保終始相憐相念倍相親一生一  
代一雙人不把丹心比玄石惟將濁水况清塵只  
言柱下留期信好欲將心學松蘿不能京兆畫蛾  
眉翻向成都騁騶引青牛紫氣度靈關尺素絕鱗

去不還連苔上砌無窮綠修竹臨壇幾處斑此時  
空牀難獨守此日別離那可久梅花如雪柳如絲  
年去年來不自持初言別在寒偏在何悟春來春  
更思春時物色無端緒雙枕孤眠誰分許分念嬌  
鶯一種啼生憎燕子千般語朝雲旭日照青樓遲  
暉麗色滿皇州落花泛泛浮靈沼垂柳長長拂御  
溝御溝大道多奇賞狹客妖容遞來往寶騎連花  
鐵作錢香輪驚水珠爲網香輪寶騎競繁華可憐  
今夜宿倡家鸚鵡杯中浮竹葉鳳凰琴裏落梅花  
許輩多情偏送款爲問春花幾時滿千回鳥信說

衆諸百過鶯啼說長短長短衆諸判不尋千回百  
過浪關心何曾舉意西鄰玉未肯留情南陌金南  
陌西鄰咸自保還轡歸期須及早爲想三春狹斜  
路莫辭九折卬關道假令白里似長安須使青牛  
學劒端蘋風入馭來應易竹杖成龍去不難龍驄  
去去無消息鸞鏡朝朝減容色君心不記下山人  
妾欲空期上林翼上林三月鴻欲稀華表千年鶴  
未歸不分淹留桑路待祗應直取桂輪飛